



KANTON SARAJEVO
SKUPŠTINA KANTONA SARAJEVO
KLUB ZASTUPNIKA Demokratske fronte
Marijela Hašimbegović, zastupnica

SKUPŠTINA KANTONA SARAJEVO
n/r Okerić Elvedin,
predsjedavajući

**PREDMET: AMANDMANI NA PRIJEDLOG BUDŽETA KANTONA
SARAJEVO ZA 2025.GODINU**

Poštovani,

Na osnovu člana 151. i 152. Poslovnika Skupštine Kantona Sarajevo („Službene novine Kantona Sarajevo“, br.41/12-Drugi prečišćeni tekst, 15/13 i 47/13) dostavljam Amandmane na Prijedlog Budžeta Kantona Sarajevo za 2025 godinu

AMANDMAN 1

Umanjuje se pozicija 614400 sa potrošačke jedinice Ministarstvo saobraćaja Kantona Sarajevo, alineja 'Subvencije za javni prijevoz' za iznos od 2.400,00 KM za uvećanje potrošačke jedinice Ministarstva kulture i sporta i pozicije 614300 'Projekti podrške kinematografije' planirane u iznosu od 100 KM i uvećane za 2.400,00KM.

Sada ova pozicija iznosi 2.500,00KM.

Obrazloženje:

Nacrt budžeta Kantona Sarajevo za 2025 godinu planirao je 1.500,000 KM za poziciju 'Projekti podrške kinematografije'. Prijedlog budžeta Kantona Sarajevo za ovu poziciju iznosi 100,00KM. Ostaje nepoznanica zašto je Vlada Kantona Sarajevo promijenila politiku podrške projektima kulture na ovako drastičan način koji potpuno devastira filmsku proizvodnju. Važno je istaći Zaključak Skupštine Kantona Sarajevo broj : 01-11-51926/24 od 29.11.2024 godine da su ovo neophodna sredstva koja se trebaju ugraditi u Budžet Kantona Sarajevo za 2025 godinu. Takođe i Ministarstvo kulture i sporta KS obratilo se u javnoj raspravi sa zahtjevom za povećanjem navedene stavke. Filmska industrija je jedan od najznačajnijih brendova koji čine Grad Sarajevo i samim tim Kanton Sarajevo, kao i BiH prepoznatljivom.

Ova značajna kulturna, turistička i privredna djelatnost poziva nas na društvenu i političku odgovornost kako bi pružili svaku podršku i pomoć održanju kontinuiteta filmske industrije ier svaki vid ugrožavanja direktno utiče na njen opstanak. Film je jedan od stubova kreativne industrije i potrebno je shvatiti značaj ulaganja koji u konačnici može donijeti samo korist. Ujedno film kao proizvod kulture koji utječe ne samo lokalno već i na

percepciju globalne publike potrebno je da dobije svaku sistemsku podršku vlasti.

AMANDMAN 2

Umanjuje se pozicija 615400 Ministarstva privrede 'Projekat opremanja prihvatilišta pasa litalica' planirane u iznosu od 3,311,603 KM i umanjuje se za 1.900,000 KM radi uvećanja potrošačke jedinice Ministarstva kulture i sporta i pozicije 614300 'JU ustanove kulture' planirane u iznosu od 800,000. Sada ova pozicija iznosi 2.700,00KM.

Obrazloženje:

Za Ustanove kulture i obrazovanja koje nemaju riješen status već trideset godina odgovorna je država BiH. Ove ustanove djeluju na području lokaliteta Kantona Sarajevo i jednako su naša ogromna društvena i politička odgovornost. Sa ciljem očuvanja ovih značajnih institucija i pružanja određenih olakšica u njihovom radu do okončanja nezavidne pozicije u kojoj se nalaze kako bi imali dovoljno sredstava za plaće i doprinose radnika kao i za programske aktivnosti ugrađena je alineja u budžetu sa namjenskim sredstvima kako bi se izbjegle dodatne potencijalne teškoće i kako bi ostvarili prava na sredstva za njihov rad i djelovanje. Za JU ustanove kulture - Historijske muzej BiH, Umjetnička galerija BiH, Muzej književnosti i pozorišne umjetnosti BiH, Biblioteka za slabovidna lica BiH, Kinoteka BiH Prijedlogom budžeta KS za 2025 godinu planirano je 800,000 KM što nije dovoljno sredstava za plaće doprinose, programska sredstva i tekuće održavanje i neophodno je uvećati ovu poziciju do iznosa 2.700,00 KM. Ove radnje u konačnici donose povoljnije uslove za rad ovih Ustanova kulture i obrazovanja kao i minimalne uslove za njihov neophodni opstanak. Podsjećam da je Skupština usvojila Zakon o prijevremenom preuzimanju sufinansiranja institucija kulture i obrazovanja čije je osnivač Bosna i Hercegovina što nas dodatno obavezuje da omogućimo uslove za njihovo neometano djelovanje. Ujedno pozivam se na Zaključak Skupštine Kantona Sarajevo broj : 01-11-51926/24 od 29.11.2024 godine da su ovo neophodna sredstva koja se trebaju ugraditi u Budžet Kantona Sarajevo za 2025 godinu.

AMANDMAN 3

Umanjiti potrošačku jedinicu Ministarstva privrede i pozicije 615400 Kapitalni projekti iz šumarstva planiranih u iznosu 7,197,289 KM, umanjene za 1.000,000KM radi uvećanja potrošačke jedinice Ministarstvo za rad, socijalnu politiku raseljena lica i izbjeglice Kantona Sarajevo na poziciji 614200 'Raseljena lica i izbjeglice planirane u iznosu od 1,493,000 KM sa ciljem kupovine stanova i rješavanja statusa interno raseljenih lica u Kantonu Sarajevo. Sada ova pozicija iznosi 2.493,000KM.

Obrazloženje:

Ističem važnost iznalaženja sistemskog rješenja za raseljena lica i 101 porodicu koja imaju status interno raseljenih lica u KS radi ostvarivanja osnovnih ljudskih prava i u konačnici rješenja njihovog stambenog pitanja.

Prava iz Aneksa VII Dejtonskog mirovnog sporazuma propisuju: 'Sva raseljena lica imaju pravo da se vrate na adresu stanovanja iz 1991 godine pravo na obnovu stana ili kuće, pravo na kompenzaciju za nevraćenu imovinu'. Zakon o raseljenim licima i povratnicima u FBiH i izbjeglicama iz BiH članom 3 definiše 'Nadležni organi Federacije, kantona i općina obavezni su da, u skladu sa Ustavom Federacije

Bosne i Hercegovine, ustavom kantona, ovim zakonom, drugim propisima i dokumentima, podstiču povratak i stvaraju političke, ekonomske i društvene uvjete koji doprinose dobrovoljnom, sigurnom i održivom povratku raseljenih lica Bosne i Hercegovine i izbjeglica iz Bosne i Hercegovine.'

AMANDMAN 4

Umanjiti potrošačku jedinicu JU "Institut za razvoj preduniverzitetskog obrazovanja Kantona Sarajevo" na poziciji 613900 'Ugovorene i druge posebne usluge' planirane u iznosu od 3,854,025 KM i umanjene za 1.000,000 KM radi uvećanja pozicije na potrošačkoj jedinici JU Narodno pozorište i pozicije 821600 'Rekonstrukcija i investiciono održavanje' planirane u iznosu od 25,000 KM. Potrebno je dodati sublineju 'radionice NPS sa malom scenom i smještajnim kapacitetima' i sada ova pozicija iznosi 1.025,000 KM

Obrazloženje:

Objekat radionica Narodnog pozorišta smješten je na Skenderiji u ulici Terezije 52 koji služi za skladištenje i proizvodnju scenografije za potrebe Pozorišta. Objekat je fizički oštećen i devastiran usljed dugotrajnog rada klizišta, predstavlja potencijalnu opasnost od nepredviđenih radnji i aktiviranja plina u objektu usljed stalnog pomicanja potpornog zida i kao takav ugrožava sigurnost radnika i imovine Kantona Sarajevo. Napominjemo da se lokacija objekta nalazi odmah uz Osnovnu školu, stambene i poslovne objekte. Izgradnja novog objekta u istim tlocrtnim gabaritima koji bi se mijenjali u vertikalnom i horizontalnom smislu na gornjim kotama objekta, sa svojim atraktivnim sadržajem, estetikom i funkcionalnošću donose veliko osvrženje našem Gradu Sarajevu i opštini Centar.

Predloženi kapitalni projekat pored osnovne namjene radionica i fundusa Pozorišta obogaćen je sadržajem sa novom malom scenom i smještajnim kapacitetima što je direktan doprinos opštem razvoju kulturne scene. Na ovaj način otvaraju se i povećavaju kapaciteti kulturnih dešavanja i utiče se na veći broj korisnika usluga svih generacija u svrhu kulturnog uzdizanja i održavanja kontinuiteta kulturnog razvoja i kulturnih vrijednosti u našem gradu i u BiH. JU Narodno pozorište sa odjelom Male scene sa smještajnim kapacitetima i radionicama ovim kapitalnim projektom ima priliku proširiti svoje kapacitete u produkcijskom i umjetničkom smislu, stvoriti bolje uslove za rad i omogućiti povećanje broja izvođenja predstava što će uveliko obogatiti

ponuđeni kulturni sadržaj. Objekat može biti u funkciji i drugih kulturnih dešavanja kao što su festivali, razne manifestacije, manji koncerti i slično. U prostoru se mogu dešavati i izložbe, promocije knjiga.

Kako su sadržaji koji su planirani u objektu javnog karaktera, očekujemo veliku komunikaciju korisnika sa objektom. Zahtjevnost novih sadržaja traži i veći obim opsluge i upošljavanja novih kadrova koji će raditi na održavanju objekta kao i u uslužnim i izvođačkim djelatnostima.

Kapitalan projekat takođe tretira i stavljanje u funkciju i smještajne kapacitete kojim će Pozorište izbjeći velike godišnje troškove koje trenutno ima radi potreba za stalnim smještajem umjetnika koji dolaze iz inostranstva za potrebe igranja predstava i slično. Takođe, ovi kapaciteti se mogu koristiti i dati u najam trećim licima, i na taj način Pozorište može ostvariti potrebna sredstva za održavanjem produkcije. Sve ovo nas navodi da je posrijedi novi model organizacije kulturnih objekata koji uz komercijalne sadržaje idu ka putu samoodrživosti. Poslovanje na principu samoodrživosti zagovara i EU.

Napominjemo da je već nekoliko puta kantonalna inspekcija vršila inspekcijski nadzor i izrečeni nalazi bili su na ivici zatvaranja objekta što bi direktno ugrozilo rad Narodnog pozorišta. Ovaj kapitalan projekat može se realizovati u saradnji sa Opštinom Centar.

AMANDMAN 5

Umanjiti potrošačku jedinicu Ministarstva za odgoj i obrazovanje i poziciju 614300 Tekući transferi neprofitnim organizacijama - predškolsko i osnovno obrazovanje planirane u iznosu 21,180,668 KM za iznos 400,00 KM radi uvećanja potrošačke jedinice Ministarstva kulture i sporta i pozicije 614300 'Temeljna udruženja naroda BiH od posebnog interesa za KS' planiranih u iznosu od 400,000. Sada ova pozicija iznosi 800,00KM.

Obrazloženje:

Skupština KS usvojila je Odluku o proglašenju temeljnih udruženja kulture naroda Bosne i Hercegovine od posebnog interesa za Kanton Sarajevo kojom su obuhvaćena temeljna udruženja kulture naroda BiH: BZK, HKD "Napredak", SPKD "Prosvjeta" i JKHD "La Benevolencija", ali i Vijeće kongresa bošnjačkih intelektualaca – VKBI, Hrvatsko narodno vijeće BiH – HNV i Srpsko građansko vijeće Pokret za ravnopravnost u BiH – SGV.

Ova Odluka je potvrda i priznanje društvenog statusa ovih temeljnih udruženja kulture naših naroda, kao i njihove historijske i savremene vrijednosti.

Proglašenje ovih udruženja od posebnog značaja za Kanton Sarajevo podrazumijeva njihovo uvrštavanje u Budžet KS i osiguranje namjenskih sredstva za njihov rad i djelovanje, i s tim u vezi svako stagniranje podrške potvrđuje našu neopredjeljenost za kontinuitetom razvoja najstarijih institucija i organizacija kulture naroda u BiH ovog tipa.

AMANDMAN 6

Umanjiti sredstva na potrošačkoj jedinici Ministarstva saobraćaja i poziciji 614100 Tekući transferi Gradu i općinama planirane u iznosu 703,000, umanjiti za 500,00 KM radi uvećanja potrošačke jedinice Ministarstva kulture i sporta i pozicije koju treba dodati u odjeljku Kapitalni transferi pod nazivom 'Koncertna dvorana - prva faza '. Ova pozicija sada iznosi 500,000KM.

Obrazloženje :

Grad Sarajevo je jedini glavni grad u Evropi koji nema koncertnu dvoranu. Potrebe da Grad Sarajevo dobije modernu koncertnu dvoranu sa svim neophodnim profesionalnim i svjetskim standardima su evidentne i u skladu sa programima razvoja Sarajeva i Kantona Sarajevo. Ova društvena vrijednost ujedno je i buduće sjedište Sarajevske filharmonije koja trenutno djeluje u zgradi Ju Narodno pzirošte u skromnim uslovima. Važno je biti opredijeljen evropskim tokovima po ovom pitanju.

Ovaj kapitalan projekat može se realizirati u suradnji sa Opštinom Centar.

AMANDMAN 7

Umanjiti potrošačku jedinicu Ministarstva kulture i sporta na poziciji 614200 Tekući transferi pojedincima iz oblasti kulture planirane u iznosu od 200,000 u iznosu od 10,000 KM za sublineju 'Fond za zaslužne umjetnike u mirovini'.

Obrazloženje:

Ideja 'Fonda za zaslužne umjetnike u mirovini' je znak priznanja za veliki doprinos naših umjetnika u promociji umjetničkih vrijednosti i kulturne baštine našeg Sarajeva i Bosne i Hercegovine koji su sada u mirovini. Podrška se odnosi na umjetnike koji su narušenog zdravlja, BEZ penzije koji imaju vrlo male ili nikakve penzije i koji zbog zdravstvenog ili materijalnog stanja ne mogu sebi osigurati mjesečni prihod dovoljan za dostojanstven život.

Ovaj Fond i ovakav vid podrške je prevashodno jedna humana gesta čime bi Kanton Sarajevo pružio doprinos boljoj kvaliteti njihovog života i savladavanju opšte materijalne krize. Fond se odnosi na sve umjetnike u ovom statusu koji žive na području Kantona Sarajevo.

AMANDMAN 8

Umanjiti potrošačku jedinicu Ministarstva za odgoj i obrazovanje Kantona Sarajevo na poziciji 821300 'Nabavka školskog namještaja' planirane u iznosu 4,000,000 KM i umanjiti za iznos od 800,00 KM radi nabavke opreme prečistača zraka za sve osnovne i srednje škole.

Obrazloženje:

Grada Sarajevo i ove godine bilježi najveći postotak zagađenosti zraka u svijetu. Zagađeni zrak narušava zdravlje naših građana, zdravlje naše djece i važno nabaviti prečistače zraka za sve škole osnovnog i srednjeg obrazovanja. Djeca su motor našeg društva i moramo uložiti sve napore za njihov advekatan rast i razvoj u zdravom okruženju.

AMANDMAN 9

Umanjiti potrošačku jedinicu Ministarstva pivrede na poziciji 614300 Izrada lovnogospodarskih osnova i naknade šteta od divljači- zakupnine lovišta planirane u iznosu 28,043 KM i umanjiti za iznos od 8,000KM radi uvećanja pozicije 614500 Unapređenje zdravstvenog stanja životinja planirane u iznosu od 581,800 sa ciljem kastracije i sterilizacije pasa i mačaka. Sada ova pozicija iznosi 589.800KM

Obrazloženje:

Društvo mora iskazati svoju odgovornost, interes i brigu o nezbrinutim životinjama u ovom slučaju pasa i mačaka. Kastracija i sterilizacija su sredstva za kontrolu populacije, poboljšanja zdravlja životinja i smanjenja broja napuštenih i nezbrinutih životnja.

Sarajevo, 24.03.2025 godine

Marijela Hašimbegović
zastupnica

